



INFORME SOBRE PROPOSTA DE MODIFICACIÓN DA RELACIÓN DE POSTOS DE TRABAJO DA AXENCIA TRIBUTARIA DE GALICIA

Antecedentes

Único.- Solicitud de tramitación da modificación de RPT

Esta dirección xeral, o 03.06.2024, recibe da Dirección da Axencia Tributaria de Galicia solicitude de informe de modificación da relación de postos de traballo da axencia.

Xunto coa petición de informe achegan a seguinte documentación:

- Listaxe de equivalencias
- Anexo postos a amortizar
- Anexo postos creados
- Anexo de postos modificados
- Memoria funcional
- Memoria económica
- Acta de negociación da axencia coas OOSs, celebrada o 29.05.2024

Posteriormente achegan memoria funcional complementaria de data 10.06.2024

Non consta o informe da Dirección Xeral de Simplificación Administrativa e do Patrimonio, de conformidade co disposto no artigo 14.2.C.c) do *Decreto 141/2024, do 27 de maio, polo que se establece a estrutura orgánica da Consellería de Facenda e Administración Pública* (DOG núm. 101, do 27/05/2024).

Unha vez analizada a documentación e de conformidade co establecido no artigo 13.2.o) do Decreto 141/2024, do 27 de maio, esta Dirección Xeral de Emprego Público e Administración de Persoal emite o seguinte,

INFORME

Primeiro.- Estrutura orgánica da Xunta de Galicia

O Decreto 42/2024, do 14 de abril, establece a estrutura orgánica da Xunta de Galicia (DOG núm. 73, do 14 de abril) tendo en conta os criterios de eficacia e economía que deben inspirar a actuación e a organización administrativa. Este decreto establece que a Xunta de Galicia estará integrada polas seguintes vicepresidencias e consellerías:





- Consellería de Presidencia, Xustiza e Deportes.
- Consellería de Medio Ambiente e Cambio Climático.
- Consellería de Educación, Ciencia, Universidades e Formación Profesional.
- Consellería de Política Social e Igualdade.
- Consellería de Economía e Industria.
- Consellería de Facenda e Administración Pública.
- Consellería de Vivenda e Planificación de Infraestruturas.
- Consellería de Sanidade.
- Consellería de Cultura, Lingua e Xuventude.
- Consellería de Emprego, Comercio e Emigración.
- Consellería do Medio Rural.
- Consellería do Mar.

Segundo.- Estrutura orgánica das consellerías da Xunta de Galicia

O Decreto 49/2024, do 22 de abril, fixou a estrutura orgánica das consellerías da Xunta de Galicia (DOG núm. 81, do 24 de abril).

Este decreto, no seu artigo 6, establece que a **Consellería de Facenda e Administración Pública** estrutúrase nos seguintes órganos de dirección:

1. Secretaría Xeral Técnica e do Tesouro.
2. Dirección Xeral de Orzamentos e Financiamento Autonómico.
3. Dirección Xeral de Cohesión e Fondos Europeos.
4. Dirección Xeral de Emprego Público e Administración de Persoal.
5. Dirección Xeral de Simplificación Administrativa e do Patrimonio.
6. Intervención Xeral da Comunidade Autónoma, con rango de secretaría xeral.

b) Quedan adscritos a esta consellería:

1. O organismo autónomo Instituto Galego de Estatística.
2. O organismo autónomo Escola Galega de Administración Pública.
3. A Axencia para a Modernización Tecnolóxica de Galicia.
4. **A Axencia Tributaria de Galicia.**
5. O Consello Económico e Social, ente institucional de dereito público, órgano consultivo creado pola Lei 6/1995, do 28 de xuño.
6. O Tribunal Administrativo de Contratación Pública de Galicia, creado pola disposición derradeira segunda da Lei 1/2015, do 1 de abril, de garantía da calidade dos servizos públicos e da boa administración.





Terceiro.- Estrutura orgánica da consellería

A actual estrutura orgánica da consellería está establecida no *Decreto 141/2024, do 20 de maio, polo que se establece a estrutura orgánica da Consellería de Facenda e Administración Pública* (DOG núm. 101, do 27/05/2024).

Cuarto. A Axencia Tributaria de Galicia

A Axencia Tributaria de Galicia é unha axencia pública autonómica das previstas e reguladas na *Lei 16/2010, do 17 de decembro, de organización e funcionamento da Administración xeral e do sector público autonómico de Galicia*. Ten personalidade xurídica propia e plena capacidade de obrar, dispón de patrimonio e tesouraría propios e autonomía funcional, financeira e de xestión para o cumprimento dos seus fins dentro dos límites establecidos polas leis. A sede institucional é en Santiago de Compostela

Foi creada polo Decreto 202/2012, do 18 de outubro, polo que se crea a Axencia Tributaria de Galicia e se aproba o seu estatuto (DOG núm. 201, do 22 de outubro). Posteriormente foi modificado polo Decreto 30/2017, do 30 de marzo, polo que se establece a estrutura orgánica da Consellería de Facenda (DOG núm. 64, do 31 de marzo)

A axencia estrutúrase nas seguintes áreas e departamentos por razón da materia e en función dos distintos ámbitos de actuación, así como en unidades centrais e delegación:

a) **Área de Colaboración Social, Información e Asistencia**, coas seguintes unidades:

- Departamento Central de Estudos, Información e Asistencia
- O Departamento de Colaboración Social e Administrativa

b) **Área de Xestión Tributaria**, coas seguintes unidades:

- Departamento Central de Xestión Tributaria
- Departamento de Tributos de Xestión Centralizada

c) **Área de Inspección Tributaria**, coas seguintes unidades:

- Departamento de Inspección Tributaria
- Departamento Central de Valoracións
- Dpto. de Planificación do Control Tributario





d) **Área de Recadación**, coa seguinte unidade:

- Departamento Central de Recadación

e) **Área de Coordinación, Xestión Económica e Asuntos Xerais**, coas seguintes unidades:

- Departamento de Recursos Humanos e Réxime Interior.
- Departamento de Xestión Económico-Financeira, Orzamentaria e Contable.
- Departamento de Auditoría e Calidade.

Adscrita organicamente á Dirección existe a Asesoría Xurídica da Axencia Tributaria de Galicia, que dependerá funcionalmente da Asesoría Xurídica Xeral da Xunta de Galicia.

Delegacións da Coruña, Lugo, Ourense, Pontevedra, Santiago de Compostela e Vigo, que contan coas seguintes unidades:

- Departamento de Información e Asistencia
- Departamento de Xestión Tributaria
- Departamento de Recadación
- Unidades de Inspección Tributaria
- Unidades de Valoración Inmobiliaria

Quinto.- A relación de postos de traballo

A vixente relación de postos de traballo da Axencia Tributaria de Galicia foi **aprobada** por Acordo do Consello da Xunta de Galicia do 8 de xuño de 2017 polo que se aproba a relación de postos de traballo da Axencia Tributaria de Galicia (DOG núm. 116, do 20 de xuño):

Posteriormente foi **modificada** por:

- Resolución do 30 de novembro de 2017 pola que se publica a modificación da relación de postos de traballo da Axencia Tributaria de Galicia, en aplicación do Acordo do Consello da Xunta de Galicia do 8 de xuño de 2017 polo que se aproba a relación de postos de traballo da Axencia Tributaria de Galicia (DOG núm. 235, do 13 de decembro).





- Acordo do Consello da Xunta de Galicia do 30 de xullo de 2020 polo que se aproba a modificación da relación de postos de traballo da Axencia Tributaria de Galicia. (DOG núm. 160, do 11 de agosto).
- Acordo do Consello da Xunta de Galicia do 25 de marzo de 2021 polo que se aproba a modificación da relación de postos de traballo da Axencia Tributaria de Galicia (DOG núm. 64, do 7 de abril).
- Acordo do Consello da Xunta de Galicia do 2 de marzo de 2023 polo que se aproba a modificación da relación de postos de traballo da Axencia Tributaria de Galicia (DOG nº 48 do 9 de marzo).

Sexto.- Obxecto do informe

- **Sexto.1**

O obxecto do presente informe é a creación, modificación e amortización de postos de traballo da Axencia Tributaria de Galicia como consecuencia das modificacións derivadas da **Lei 7/2022, do 27 de decembro, de medidas fiscais e administrativas (DOG núm. 248, do 30 de decembro de 2022)**.

Esta lei recolle a asunción progresiva das funcións de recadación en período executivo por parte da Axencia Tributaria de Galicia desempeñadas ata o momento polas Zonas de Recadación. Esta asunción producirase a medida que os titulares das zonas se xubilen ou cesen por algunha das causas previstas na súa normativa e, en todo caso, a partir do 1 de xaneiro de 2026; data nas que as zonas de recadación establecidas ao amparo do artigo 46.3 da **Lei 11/1996, do 30 de decembro de orzamentos xerais da Comunidade Autónoma de Galicia para o ano 1997 quedarán suprimidas**.

A **Zona de Recadación de Ourense** quedou suprimida o 23.03.2023 e as Zonas de A Coruña e Lugo o 10.09.2023, datas nas que se produciu o cese do seu respectivo recadador ao cumprir os 70 anos. A partir desta data a axencia acometeu a primeira modificación da RPT xerada ao amparo da **Lei 7/2022, do 27 de decembro, de medidas fiscais e administrativas** sendo aprobada por Acordo do Consello da Xunta de Galicia do 2 de marzo de 2023 e por Acordo do Consello da Xunta de Galicia do 6 de xullo de 2023. Estas modificacións consistiron na creación de postos nos servizos centrais e nas delegacións afectadas para dar cobertura á asunción das novas funcións de recadación de débedas en período executivo e as actuacións derivadas destas.





A medida en que se vaian suprimindo outras zonas de recadación, cómpre levar a cabo as modificacións das restantes delegacións da Atriga, consistentes na creación dunha unidade de recadación dependente dos seus departamentos de recadación; unidade dotada dos postos necesarios en función da área xeográfica e número de contribuíntes afectados

O 06.09.2024 producírase o cesamento, por acadar a idade de 70 anos, o recadador da **Zona de Recadación de Vigo**, polo que, resulta necesario, acometer a modificación de postos de traballo da Axencia Tributaria de Galicia coa dotación dos postos correspondentes.

- Sexto.2**

Tamén é obxecto do presente informe a modificación da forma de provisión (de concurso específico a libre designación) de dous postos de traballo e algúns cambios de denominación de outros, así como a eliminación dunha observación que estaba incluída dun xeito transitorio.

Sétimo. Amortizacións, creacións, modificacións

- Sétimo 1. Amortizacións**

Propoñen a amortización dos seguintes **2 postos de traballo vacantes sen ocupación**:

UNIDADE ADMINISTRATIVA	CÓDIGO DO POSTO	DENOMINACIÓN DO POSTO	GRUPO SUBG.	NIVEL
DELEGACIÓN DE LUGO				
<ul style="list-style-type: none">Axencia Tributaria de Galicia (Servizos Periféricos)	FC.A29.10.000.27001.009	POSTO BASE SUBGRUPO A1	A1	20
DELEGACIÓN DE OURENSE				
<ul style="list-style-type: none">Axencia Tributaria de Galicia (Servizos Periféricos)	FC.A29.10.000.32001.011	POSTO BASE SUBGRUPO A2	A2	16





- Sétimo 2. Creacións**

Propoñen a creación dos seguintes **5 postos de traballo**:

UNIDADE ADMINISTRATIVA	DENOMINACIÓN POSTO	NIVEL	GRUPO/SUBGRUPO (F. PROVISIÓN)	CORPO/ ESCALA (ÁREA FUNC.)	ADSCRICIÓN ADMÓN. PÚBLICA
DELEGACIÓN DE VIGO	XEFATURA NEGOCIADO ADMINISTRATIVO I FC.A29.10.000.36560.011	18	A2-C1-C2 (C)	XERAL (TRI)	AXG
	XEFATURA EQUIPO FC.A29.10.000.36560.260	25	A1-A2 (C)	XMF1/XSF1	AXG
	XEFATURA NEGOCIADO ADMINISTRATIVO III FC.A29.10.000.36560.267	18	A2-C1-C2 (C)	XERAL (TRI)	AXG
DELEGACIÓN DE LUGO	XEFATURA DE UNIDADE FC.A29.10.000.27001.072	26	A1 (C)	XSF1	AXG
DELEGACIÓN DE OURENSE	TÉCNICO/A TRIBUTARIO/A SUBGRUPO A2 FC.A29.10.000.32001.089	24	A2 (C)	XMF1	AXG

CÓDIGOS-DESCRICIÓNS

- C CONCURSO
- CE CONCURSO ESPECÍFICO
- XMF1 XERAL (ESC. TÉC. FINANZAS, ESPECIALID. INSPEC. E XESTIÓN FINANC. E TRIBUT.)
- XSF1 XERAL (ESC. SUP. FINANZAS, ESPECIALID. INSPEC. E XESTIÓN FINANC. E TRIBUT.)
- AXG ADSCRICIÓN EXCLUSIVA A FUNCIONARIOS DA XUNTA DE GALICIA.
- TRI TRIBUTARIA

- Sétimo 3. Modificacións**

Co fin de unificar a denominación de postos de traballo de "*Xefatura de Negociado*", propoñen modificar a denominación destes postos, pasando a "*Xefatura de Negociado Administrativo*" seguido do número ordinal correspondente.

Esta modificación non afecta á ocupación actual dos postos nin ás restantes características.

Oitavo. Postos de libre designación

O artigo 92 da Lei 2/2015, do 29 de abril, do emprego público de Galicia, establece que soamente se poderán cubrir polo sistema de libre designación con convocatoria pública entre persoal funcionario de carreira as vicesecretarías xerais, as subdireccións xerais ou equivalentes, as secretarías de altos cargos e,





excepcionalmente, aqueles outros postos de traballo de especial responsabilidade ou cualificación profesional que se determinen nas relacións de postos de traballo.

Así mesmo, o artigo 91 de dita norma, establece que as xefaturas de servizo ou postos de nivel equivalente proveranse mediante concurso específico, agás aqueles que, polas súas especiais características, deban proverse polo sistema de libre designación, con convocatoria pública.

Esta proposta, recolle a modificación da forma de provisión dun posto de traballo pasando **de concurso específico a libre designación**, o posto é o seguinte:

CÓDIGO DE POSTO	DENOMINACIÓN	GR.	NIV.	F. PROV	CAT./ CORPO	ADS. ADMIN
FC.A20.00.001.15770.014	Xefatura Departamento Planificación Control Tributario	A1 A2	28	LD	XMFI/ XSF1	AXG

As excepcións para a cobertura de postos de traballo polo sistema de libre designación están determinadas polas funcións que desenvolven que evidencian o cumprimento dalgún dos criterios ou atribucións dos recollidos na *Resolución do 25 de febreiro de 2016, da Dirección Xeral da Función Pública, pola que se ditan instrucións para a tramitación de relacións de postos de traballo e a determinación dos criterios de excepción e funcións que definen as características que motivan a especial responsabilidade ou cualificación profesional dos postos de traballo de libre designación, de nivel 28 ou inferior, da Administración da Comunidade Autónoma de Galicia.*

A Axencia Tributaria de Galicia xustifica este cambio no sistema de provisión en que *"concorre a atribución de especial responsabilidade por garantir o adecuado exercicio de autoridade e/ou inspección administrativa da Xunta de Galicia, manifestada na realización de funcións de avaliación, auditoría e investigación do funcionamento dos servizos públicos, así como a especial responsabilidade por garantir a protección de datos persoais derivada da xestión de información especialmente sensible, para a que cómpre extremar a confidencialidade e discreción no tratamento da información e para as que deben implantarse medidas de seguridade de nivel medio e alto, consonte co establecido no apartado 5, especial responsabilidade por garantir a protección de datos persoais, da instrución cuarta da Resolución do 25 de febreiro de 2016 precitada, en relación coa clasificación establecida nos puntos 2 e 3 do artigo 81 do Regulamento de desenvolvemento da Lei Orgánica 15/1999, do 13 de decembro, de protección de datos de carácter persoal aprobado polo Real Decreto 1720/2007, do 21 de decembro".*





- **Xefatura Departamento Planificación Control Tributario**

*O Decreto 30/2017, do 30 de marzo, polo que se establece a estrutura orgánica da Consellería de Facenda engadiu o punto 2.3 ao artigo 24 do estatuto da Axencia Tributaria de Galicia, aprobado polo Decreto 202/2012, do 18 de outubro, **recollendo as seguintes funcións do Departamento de Planificación do Control Tributario:***

"a) A planificación xeral das actuacións de control tributario que desenvolverán as diferentes áreas da Axencia con competencia en control tributario.

b) A elaboración do proxecto do Plan de control tributario que deberá aprobar a Dirección da Axencia.

c) O estudo das diferentes áreas de risco para a detección da fraude fiscal ao obxecto da planificación do control tributario.

d) O estudo e análise dos resultados obtidos nas actuacións de control"

En relación a este posto de **Departamento de Planificación do Control Tributario**, vista a xustificación correspondente na memoria funcional e a normativa indicada, esta dirección xeral considera xustificada a cobertura polo sistema de libre designación segundo o criterio de excepcionalidade recollido na instrución cuarta, punto 3, da Resolución do 25 de febreiro de 2016: **"Especial responsabilidade por garantir o adecuado exercicio de autoridade e/ou inspección administrativa da Xunta de Galicia. A especial responsabilidade está en razón de ser garante do exercicio dos dereitos e deberes da cidadanía"**.

Código do posto	Denominación	Criterio
FC.A20.00.001.15770.014	Xefatura Departamento Planificación Control Tributario	Especial responsabilidade por garantir o adecuado exercicio de autoridade e/ou inspección administrativa da Xunta de Galicia.

Indicar que en relación á xustificación de "especial responsabilidade por garantir a protección de datos persoais derivada da xestión de información especialmente sensible, para a que cómpre extremar a confidencialidade e discreción no tratamento da información e para as que deben implantarse medidas de seguridade de nivel medio e alto, cómpre ter en conta o recollido no artigo 74.ñ da Lei 2/2015 do Emprego Público de Galicia, sobre os deberes e código de conduta dos empregados públicos no ámbito de aplicación desta lei o Gardar segredo sobre as materias clasificadas e as demais de difusión prohibida legalmente, e manter a





debida discreción sobre aqueles asuntos que coñezan por razón do seu cargo, o que implica non facer uso da información obtida para beneficio propio ou de terceiros, ou en prexuízo do interese público”.

Conclusión

De conformidade co exposto, e consideradas as xustificacións organizativas e funcionais contidas na proposta, esta dirección xeral, **INFORMA FAVORABLEMENTE** á proposta de modificación da relación de postos de traballo da **Axencia Tributaria de Galicia**, procedendo a sometela ao preceptivo informe da Dirección Xeral de Orzamentos e Financiamento Autonómico.

Incorporamos a este informe o anexo de RPT.

A directora xeral de Emprego Público e Administración de Persoal.

Nuria Aguilar Vázquez

